



U.S. DEPARTMENT of STATE

TRAVEL.STATE.GOV BUREAU OF CONSULAR AFFAIRS

2019 ОНЫ ОЛОН ҮНДЭСТНИЙ ЦАГААЧЛАЛЫН ВИЗНИЙ ХӨТӨЛБӨРИЙН ЗААВАРЧИЛГАА (DV-2019)

Хөтөлбөрийн агуулга

Конгрессоос баталсан Олон үндэстний цагаачлалын визний хөтөлбөрийг Төрийн департамент жил бүр зохион байгуулдаг. Цагаачлал ба харьяаллын тухай хуулийн (ЦХТХ) 203 (с) хэсэгт заасан нөхцлийн дагуу “олон үндэстний цагаачид” гэгдэх цагаачлалын визний ангилал нь Америкийн Нэгдсэн Улсад цагаачилсан иргэдийн тоогоороо бага улсын иргэдэд зориулагдсан юм. 2019 оны санхүүгийн жилд 50,000 олон үндэстний виз (DV) олгохоор боллоо. Энэхүү хөтөлбөрт бүртгүүлэхэд ямар нэг төлбөр төлөхгүй.

Сугалаанд хожсон хүмүүс энэ төрлийн виз авах энгийн боловч нарийн шалгуурыг хангасан байх шаардлагатай. Энэ сугалаа компьютераар, санамсаргүй сугалах байдлаар хожигчийг шалгаруулдаг. Визийг газарзүйн зургаан бүсэд хуваарилдаг бөгөөд бус бүрийн доторх аливаа улс тухайн жилийн олон үндэстний визийн долоон хувиас илүүг авч болохгүй байдаг.

DV-2019-ийн хувьд дараах улс орнуудын уугуул иргэд өргөдөл гаргах эрхгүй. Учир нь эдгээр улс орнуудаас өмнөх таван жилийн хугацаанд АНУ руу 50,000-аас олон иргэд цагаачилсан байна. Үүнд:

БАНГЛАДЕШ, БРАЗИЛ, КАНАД, ХЯТАД (эх газрын), КОЛУМБИ, БҮГД НАЙРАМДАХ ДОМИНИКАН УЛС, ЭЛЬ САЛЬВАДОР, ГАИТИ, ЭНЭТХЭГ, ЯМАЙКА, МЕКСИК, НИГЕР, ПАКИСТАН, ФИЛИППИН, ПЕРУ, ӨМНӨД СОЛОНГОС, ИХ БРИТАНИ (Умард Ирландыг оруулахгүй) ба түүний хараат нутаг дэвсгэрүүд мөн ВЬЕТНАМ.

Хонг Конгийн Тусгай захиргааны бүс, Макаогийн Тусгай захиргааны бүс, Тайваньд төрсөн иргэд оролцох эрхтэй.

Энэ жил оролцох эрх шалгуурын талаар нэмж гарсан өөрчлөлт байхгүй.

Сугалаанд оролцох эрх

Тавигдах шалгуур #1: Жагсаалтанд орсон улс оронд төрсөн иргэд сугалаанд оролцох эрхтэй.

Жагсаалтанд ороогүй улс оронд төрсөн хүмүүсийн хувьд хөтөлбөрт оролцох өөр хоёр арга бий.

- Таны эхнэр/нөхөр хөтөлбөрт оролцох эрхтэй улс оронд төрсөн бол та эхнэр/нөхрийнхөө хамт хөтөлбөрт оролцож шалгуур хангасан тохиолдолд хоёулаа виз авч АНУ руу цагаачлах боломжтой.
- Та хөтөлбөрт оролцох эрхгүй улс оронд төрсөн бөгөөд эцэг эх тань тэнд төрөөгүй, таныг төрөх үед тэндхийн оршин суугч байгаагүй бол оролцох эрхтэй улс оронд төрсөн эцэг/эхийнхээ аль нэгний төрсөн улс орныг өөрийн төрсөн улс болгон DV-2019 хөтөлбөрт оролцож болно. Энэ талаарх нэмэлт мэдээллийг Түгээмэл асуултаас үзнэ үү.

Тавигдах шалгуур #2: Виз мэдүүлэгч бүр DV хөтөлбөрийн боловсрол ба ажлын туршлагын шалгуурыг хангасан байх ёстой. Үүний тулд:

- Хамгийн багадаа ахлах сургуулийн боловсрол буюу түүнтэй адилтгах боловсролтой байх, тухайлбал бага болон дунд боловсролын 12 жилийн сургалтыг амжилттай дүүргэсэн байх;

ЭСВЭЛ

- Өнгөрсөн таван жилийн хугацаанд дор хаяж хоёр жилийн сургалт буюу туршлага шаардах мэргэжлээр хоёр жил ажилласан туршлагатай байх ёстой. АНУ-ын Хөдөлмөрийн яамны O*Net OnLine мэдээллийн сангаас шаардлага хангасан ажлын жагсаалтыг харж болно.

Шалгуур хангах ажлын талаарх нэмэлт мэдээллийг Түгээмэл асуултаас үзнэ үү.

Хэрэв та дээрх 2 шалгуурыг хангаж чадахгүй байгаа бол DV сугалаанд оролцож болохгүй.

DV сугалааны бүртгэлийн хугацаа

Оролцогчид DV-2019 Олон үндэстний визний сугалаанд 2017 оны 10 сарын 3-ны Мягмар гаригийн АНУ-ын Зүүн эргийн өдрийн цагийн бүсийн (Eastern Daylight Time) (GMT-4) үдийн 12.00 цагаас 2017 оны 11 сарын 7-ны Мягмар гаригийн АНУ-ын Зүүн эргийн стандарт цагийн бүсийн (EST) (GMT-5) үдийн 12.00 цаг хүртэл электрон хэлбэрээр www.dvlottery.state.gov цахим хуудсаар бүртгүүлэх ёстой. Бүртгэлийн хугацааны сүүлийн долоо хоног хүртэл хүлээх хэрэггүй. Учир нь хэт их ачааллаас болж цахим хуудас гацаж болзошгүй юм. Хуулийн дагуу тухайн жилийн сугалаанд нэг хүний нэр дээр зөвхөн нэг бүртгэл хийх боломжтой. Сугалаанд давхар бүртгүүлсэн хүмүүсийг системээр хялбархан илрүүлдэг. **Нэгээс олон удаа бүртгүүлсэн оролцогчдыг сугалаанд оруулалгүй хасна.**

DV-2019 Электрон бүртгэлийн талаарх мэдээлэл

Та www.dvlottery.state.gov хаягаар орж Олон үндэстний визний DS-5501 электрон бүртгэлийн маягтыг (E-DV бүртгэл) бөглөж оруулах ёстой. Бүрэн бөглөөгүй маягтыг хүлээж авахгүй. DV сугалаанд оролцоход ямар нэг төлбөр байдаггүй. Маягт бөглөж оруулахдаа шинэчлэгдсэн интернэт хөтөч ашиглана уу. Учир нь Internet Explorer 8 шиг хуучин интернэт хөтөч ашиглавал цахим DV бүртгэлийн системд асуудал үүсгэж болзошгүй.

“Визний зөвлөгөө”, “Виз зуучлагч” зэрэг таны өмнөөс сугалааны бүртгэлийн маягт бөглөж өгөхөөр санал тавьсан аливаа зуучлагчаар биш аль болох өөрөө бүртгүүлэхийг бид зөвлөж байна. Хэрэв та хэн нэгнээс туслалцаа авч бүртгүүлэхээр бол бүртгүүлж байх явцад дэргэд нь байж бүртгэлийг баталгаажуулсан хуудас болон бүртгэлийн дугаараа өөртөө хадгалж авч үлдэх хэрэгтэй. Энэ нь маш чухал юм. Учир нь дараа нь энэ мэдээлэлгүйгээр цахим хуудас руу орж сугалаанд шалгарсан эсэхээ мэдэх боломжгүй. Хэн нэгэнд өөрийн бүртгэлийн мэдээллийг өгөхөөс болгоомжлохыг сануулж байна. Мөн та E-DV бүртгэлийн маягтанд бүртгүүлсэн имэйлээ шалгахад хэрэгтэй мэдээллийг өөртөө хадгалах хэрэгтэй. Олон үндэстний визний сугалааны залилангийн талаарх нэмэлт мэдээллийг Түгээмэл асуултаас үзнэ үү. Та манай олон үндэстний визний сугалааны хөтөлбөрийн талаархи танилцуулга болон хэрхэн бүртгүүлэх дэлгэрэнгүй зааварчилгааны тухай дүрс бичлэгийг эндээс үзэх боломжтой.

Бүртгэл амжилттай болсон тохиолдолд таны нэр болон бүртгэлийн дугаартай баталгаажуулсан хуудас дэлгэц дээр гарч ирнэ. Та энэхүү хуудсыг хэвлэж гаргаад бүртгэлийн дугаараа хадгалах хэрэгтэй. 2018 оны 5 сарын 1-нээс эхлэн www.dvlottery.state.gov вэб хуудасны Entrant Status Check программ руу орж өөрийн бүртгэлийн дугаар хувийн мэдээллээ оруулж сугалааныхаа явцыг шалгах боломжтой. Та DV-2019 сугалаанд шалгарсан эсэхээ мэдэх, цагаачлалын визний ярилцлагын хуваарияа хараадаа ENTRANT STATUS CHECK программыг ашиглах ёстой. АНУ-ын Засгийн газраас танд шууд мэдээлэл өгөхгүй. ENTRANT STATUS CHECK программ бол таны DV-2019 сугалаанд шалгарснаа мэдэх цорын ганц арга юм. Сугалааны процессын талаарх дэлгэрэнгүй мэдээллийг Түгээмэл асуултаас үзнэ үү.

Сугалааны бүртгэлийн маягтанд та дараах мэдээллийг оруулах ёстой:

1. БҮТЭН НЭР - Овог, нэр. Гадаад паспорт дээр бичигдсэн байдлаар оруулна.
2. ХҮЙС – Эр/Эм
3. ТӨРСӨН ОГНОО - Өдөр, сар, он
4. ТӨРСӨН ХОТ
5. ТӨРСӨН УЛС – Улс орны нэр нь таны төрсөн улсын одоогийн нэр байх ёстой.
6. DV ХӨТӨЛБӨРТ ОРОЛЦОХ ЭРХТЭЙ УЛС – Таны төрсөн орон тус хөтөлбөрт оролцох эрхэй орнуудын нэг байх ёстой. Оролцох эрхтэй орон гэдэг нь таны одоо амьдарч байгаа газар эсвэл таны иргэншил (төрсөн улсын иргэншлээс өөр иргэншилтэй тохиолдолд). Хэрэв та DV хөтөлбөрт оролцох эрхгүй улс оронд төрсөн бол, хөтөлбөрт оролцож болох өөр хувилбар байгаа эсэхийг Түгээмэл асуултаас үзнэ үү.
7. БҮРТГЭЛИЙН ЗУРАГ – Та өөрийнхөө зургаас гадна эхнэр/нөхөр мөн бүртгүүлсэн бүх хүүхдийнхээ (сүүлийн 6 сард авахуулсан) зургуудыг оруулах ёстойг анхаарна уу. Дижитал зургийн үзүүлэлтийн талаарх мэдээллийг үзнэ үү. Хэрэв эхнэр/нөхөр эсвэл хүүхэд тань АНУ-ын иргэн эсвэл Хууль ёсны байнгын оршин суугч бол зураг оруулах шаардлагагүй.

Хамтдаа авахуулсан зургийг хүлээж авахгүй бөгөөд хүн тус бүрийн цээж зургийг оруулах шаардлагатай. Хэрэв таны оруулсан зураг шаардлагад нийцээгүй эсвэл ямар нэгэн байдлаар булхай

гаргаж оруулсан тохиолдолд таны бүртгэлийг хүчингүй болгох эсвэл визний өргөдлийг цуцлах болно. Өнгөрсөн жилийн хөтөлбөрт оруулсан зургийг дахин ашиглавал мөн хүчингүйд тооцно. Дижитал зураг хэрхэн оруулах шаардлагыг эндээс харна уу.

8. ШУУДАНГИЙН ХАЯГ –Хүлээн авагчийн нэр,

Хаягийн мөр 1,
Хаягийн мөр 2,
Хот
Дүүрэг/аймаг/,
Шуудангийн код/Зип код,
Улс.

9. ОДОО АМЬДАРЧ БҮЙ УЛС.

10. УТАСНЫ ДУГААР (заавал бөглөх шаардлагагүй)

11. ИМЭЙЛ ХАЯГ - Дараа жилийн 5 сараас эхлэн сонгогдсон оролцогчдод мэдэгдэл өгдөг тул та өөрийн байнга хэрэглэдэг бөгөөд дараа жил үргэлжлүүлэн ашиглах боломжтой имэйл хаягаа оруулах хэрэгтэй. Та сонгогдсон тохиолдолд Entrant Status Check программаар орж шалгарснаа мэдээд мэдэгдэлд нь хариу өгсний дараа Төрийн департаментаас Entrant Status Check рүү орж визэнд орох товоо харах зааварчилгааг таны энэ хаяг руу имэйлээр ирүүлнэ. Төрийн департаментаас таныг сугалаанд шалгарсан гэдгийг ХЭЗЭЭЧ ч имэйлээр эхэлж мэдэгдэхгүй. Сугалааны процессын талаарх нэмэлт мэдээллийг Түгээмэл асуултаас үзнэ үү.

12. ӨНӨӨДРИЙН БАЙДЛААР ТАНЫ ЭЗЭМШСЭН БОЛОВСРОЛЫН ДЭЭД ТҮВШИН – Таны эзэмшсэн боловсролын хамгийн дээд түвшинг илтгэж байгаа нэг хариултыг тэмдэглэх ёстой: (1) Бага сургууль төгссөн, (2) Ахлах сургуулийг гэрчилгээгүй төгссөн, (3) Ахлах сургуулийг гэрчилгээтэй төгссөн, (4) Мэргэжлийн сургууль төгссөн, (5) Их сургуулийн зарим курсыг дүүргэсэн, (6) Их сургуулийг зэрэгтэй төгссөн, (7) Их сургуулийн дараах түвшний сургалт дүүргэсэн, (8) Магистрын зэрэгтэй, (9) Докторын түвшний зарим курс дүүргэсэн, (10) Докторын зэрэгтэй. Энэ талаарх нэмэлт мэдээллийг Түгээмэл асуулт дотроос үзнэ үү.

13. ГЭР БҮЛИЙН БАЙДАЛ - (1) Гэрлээгүй, (2) гэрлэсэн бөгөөд миний эхнэр/нөхөр АНУ-ын иргэн эсвэл хууль ёсны байнгын оршин суугч, (3) гэрлэсэн бөгөөд миний эхнэр/нөхөр АНУ-ын иргэн эсвэл хууль ёсны байнгын оршин суугч, (4) гэрлэлт цуцлуулсан, (5) бэлэвсэн, эсвэл (6) хууль ёсны дагуу тусдаа амьдардаг. Та эхнэр/нөхрийнхөө овог нэр, төрсөн он сар өдөр, хүйс, төрсөн хот, улсыг техникийн шаардлага хангасан цээж зургийн хамт оруулах хэрэгтэй.

Эхнэр/нөхрөө оруулаагүй тохиолдолд сугалааны үндсэн хожигчийн хувьд таны бүртгэл хүчингүй болох мөн визний ярилцлага авах үед бусад гэр булийн гишүүдэд виз өгөхөөс татгалзана. Та эхнэр/нөхрөөсөө шүүхийн шийдвэрийн дагуу тусдаа амьдардагаас бусад тохиолдолд эхнэр/нөхрийн нэрийг заавал оруулах естийг анхаарна уу. Хуулын дагуу тусдаа амьдардаг тохиолдол нь гэрлэсэн хэвээрээ хэдий ч шүүхийн шийдвэрийн дагуу тусдаа амьдрахыг хэлнэ. Хэрэв та эхнэр/нөхрөөсөө хуулын дагуу тусдаа амьдардаг бол таны эхнэр/нөхөр таныг дагаж DV хөтөлбөрт хамрагдан цагаачлах боломжгүй. Та хуулын дагуу тусдаа амьдардаг эхнэр/нөхрийнхөө нэрийг бүртгэлийн хуудсан дээрээ оруулсан тохиолдолд ямар нэгэн асуудал үүсэхгүй. Харин та DV хөтөлбөр эхлэхээс

өмнө гэрлэлтээ цуцлахаар төлөвлөсөн хэдий ч тусдаа амьдардаг гэсэн шүүхийн шийдвэр байхгүй бол эхнэр/нөхрөө заавал оруулах ёстай. Хуулийн дагуу гэрлэсэн эхнэр/нөхрөө бүртгэлийн хуудсан дээрээ оруулаагүй тохиолдолд хөтөлбөрөөс хасагдах болно.

Хэрэв таны эхнэр/нөхөр АНУ-ын иргэн эсвэл Хууль ёсны байнгын оршин суугч бол бүртгэлийн хуудсан дээр оруулж болохгүй. Учир нь АНУ-ын иргэн эсвэл Хууль ёсны байнгын оршин суугч бол виз авах шаардлагагүй бөгөөд бүртгэлийн хуудсан дээрээ оруулсан тохиолдолд систем таниас нэмэлт мэдээлэл оруулахыг шаардахгүй болно. Гэр бүлийн гишүүдийн талаарх нэмэлт мэдээллийг Түгээмэл асуултаас үзнэ үү.

14. ХҮҮХДИЙН ТОО - Бүртгэлдээ бүх хүүхдийнхээ овог нэр, төрсөн он сар өдөр, төрсөн газар зэргийг ЗААВАЛ оруулах ёстай. Үүнд таны гэрлээгүй бөгөөд 21 нас хүрээгүй бүх төрсөн хүүхэд, хууль ёсоор үрчилж авсан болон дагавар хүүхэд орно. Тантай хамт амьдардаггүй, тантай хамт цагаачлахгүй байсан ч гэсэн та бүгдийг нь оруулах ёстай. Хүүхэд тус бүрийн зургийг оруулах бөгөөд зураг бүр техникийн шаардлага хангасан байх ёстай.

Гэрлэсэн хүүхдүүд болон таныг сугалаанд бүртгүүлэх үед **21 болон түүнээс дээш настай** байсан хүүхдүүд таны бүртгэлд орох ёсгүй. Гэхдээ энэхүү насны хязгаарыг давсан хүүхдүүдийг зарим тохиолдолд АНУ-ын хууль тогтоомжоор хамгаалдаг. Та гэр бүл болоогүй хүүхдээ 21 нас хүрэхээс өмнө DV хөтөлбөрт хамрагдсан бөгөөд хүүхэд чинь виз авахаасаа өмнө 21 нас хүрсэн бол Хүүхдийн статусыг хамгаалах хуулийн дагуу тэр хүүхдийг тань 21 нас хүрээгүй гэж үздэг.

АНУ-ын иргэн эсвэл хууль ёсны байнгын оршин суугч хүүхэд DV виз мэдүүлэх эрхгүй тул тэднийг бүртгэлдээ оруулсан эсвэл хассан тохиолдолд ямар нэг асуудал үүсэхгүй. Та бүртгэлдээ оруулах ёстай бүх хүүхдээ оруулаагүй тохиолдолд таны бүртгэл хүчингүй болох мөн визний мэдүүлгийн үед гэр бүлийн гишүүдэд бүгдэд нь виз өгөхөөс татгалзана. Гэр бүлийн гишүүдийн талаарх нэмэлт мэдээллийг Түгээмэл асуултаас үзнэ үү.

DV-2019 хөтөлбөрийн электрон бүртгэлийн талаарх дэлгэрэнгүй мэдээллийг Түгээмэл асуултаас үзнэ үү.

Оролцогчдыг сонгох

Улс орон, бүс нутагт хуваарилагдсан боломжит визний оноолтын дагуу шалгуур хангасан бүртгэлүүдээс компьютер санамсаргүй байдлаар сугалааг явуулна. DV-2019 сугалаанд оролцогсад бүртгэлийн баталгаажуулсан дугаараа ашиглан E-DV вэб хуудасны Entrant Status Check программ руу орж өөрийгөө сонгогдсон эсэхийг харах шаардлагатай. 2018 оны 5 сарын 1-нээс эхлэн 2019 оны 9 сарын 30-ныг дуустал www.dvlottery.state.gov вэб хуудсаар Entrant Status Check рүү орж шалгаж болно.

Хэрвээ та шалгарсан бол танд визний төлбөр, АНУ-д цагаачлахтай холбоотой бусад зөвлөмж мэдээлэл бүхий баталгаажуулсан хуудас гарч ирнэ. Entrant Status Check нь таны 2019 оны сугалаанд шалгарсныг мэдээлэх цорын ганц арга юм. Төрийн департамент сугалаанд хожсон тухай мэдэгдлийг шуудан болон имэйлээр явуулахгүй. Түүнчлэн сугалаанд шалгараагүй хүмүүст ч энэ талаар

мэдэгдсэн имэйл явуулахгүй. Шалгараагүй хүмүүс хариугаа зөвхөн Entrant Status Check-ээр дамжуулан мэдэж болдог. АНУ-ын элчин сайдын яам, консулын газрууд сонгогдсон хүмүүсийн нэрсийн жагсаалтыг өгөх боломжгүй. Сугалаанд шалгарсан эсэхээ бусдад найдаж шалгуулахгүйгээр өөрийн Entrant Status Check рүү орж мэдэхийг танд зөвлөж байна.

Сугалаанд хожсоныхоо дараа АНУ-д цагаачлахын тулд та АНУ-ын хуулийн дагуу бүх шалгуурыг хангасан байх ёстой. Үүнд: DS-260 цагаачлалын виз болон гадаад иргэний бүртгэлийн цахим анкет бөглөх мөн Консулд биечлэн ярилцлаганд орж гэмт хэрэг болон аюулгүй байдалтай холбогдох асуултуудад хариулах юм.

Сугалаанд хожсон хүмүүс болон тэдний эрх бүхий гэр бүлийн гишүүдын визийг 2019 оны 9 сарын 30-ны дотор олгосон байх ёстой. Энэ өдрөөс хойш ямар ч нөхцөлд олон үндэстний виз олгохгүй, өөрчлөлт хийхгүй бөгөөд гэр бүлийн гишүүд нь хожигчийн хойноос АНУ руу цагаачлах олон үндэстний виз авах боломжгүй болно. DV хөтөлбөрийн электрон бүртгэлийн талаарх нэмэлт мэдээллийг Түгээмэл асуултаас үзнэ үү.

Дижитал зураг оруулах заавар

Та дараах үзүүлэлтүүдэд нийцсэн зураг авахуулж эсвэл (сүүлийн 6 сарын дотор авахуулсан) зураг скайнердаж оруулж болно. Оролцогчид өөрсдийн зургийг E-DV вэб хуудсанд буй линкээр орж фото зургийн чанарыг шалгах боломжтой. Фото зургийн чанарыг шалгах энэ линк нь шаардлага хангасан болон шаардлага хангаагүй фото зургийн жишээг харуулахаас гадна зурагт тавигдах шаардлагын талаарх нэмэлт техникийн зөвлөгөөг агуулсан байгаа. Хуучин зураг оруулж болохгүй. Өнгөрсөн жилийн хөтөлбөр (DV-2018)-д оруулсан, булхайтай эсвэл шаардлаганд нийцээгүй зургыг хүчингүйд тооцно.

Фото зураг нь 24 битийн өнгөний нягтралтай өнгөт зураг байх шаардлагатай. Хэрэв та скайнер ашиглаж байгаа бол тохиргоог нь True Color буюу 24 битийн өнгөний нягтралтай горим дээр тохицуулах ёстой. Скайнераад тавьдаг нэмэлт шаардлагыг доороос харна уу.

Бүтцийн үзүүлэлт:

- Толгойн байрлал
 - Камер руу эгц харсан байх
 - Толгойгоо дээш, доош, хажуу тийшээ далийлгаагүй байх
 - Нийт зургийн талбайн 50-69 хувийг толгой (үсийг оруулан толгойн оройноос эрүүний үзүүр хүртэл) эзэлсэн байх. Харааны түвшин нүүрний нийт хэмжээний 56-69 хувьд байх ёстой.

Дижитал зургийн толгойн хэмжээг харуулсан загвар




Фото зургийн жишээнүүдийг **энэхүү цахим хуудсан дээрээс** харна уу.

- **Арын фон**
 - Саармаг, гэгээтэй фонтой байх
- **Фокус**
 - фото зургийн фокус таарсан байх
- **Нүдний шил**
 - Нүдний шил буюу нүүр халхалсан өөр зүйл зүүсэн байж болохгүй
- **Толгойн өмсгөл, малгай**
 - Шашин шүтлэгтэй холбоотой толгойн өмсгөл, малгай өмссөн байж болно. Гэхдээ энэ өмсгөл, малгай нь нүүрний аль ч хэсгийг халхалсан байж болохгүй. Шашны бус толгойн өмсгөлтэй авхуулсан фото зургийг хүлээн авахгүй. Цэргийн албан хаагчид, агаарын тээврийн албан хаагчид болон бусад дүрэмт хувцасны малгайтай авахуулсан фото зургийг хүлээн авахгүй.

Техникийн үзүүлэлтүүд

- **Шинэ дижитал зураг авахуулах.** Шинэ дижитал зураг авахуулсан тохиолдолд дараах үзүүлэлтүүдийг хангах ёстой:

Зургийн файлын формат:	Зураг нь Joint Photographic Experts Group (JPEG) форматтай байх ёстой.
Зургийн файлын хэмжээ:	Зургийн файлын дээд хэмжээ хоёр зуун дөчин (240KB) килобайт байх ёстой.
Зургийн нарийвчлал:	Өндөрөөшөө 600-1200 цэг буюу пиксел, өргөөшөө 600-1200 цэг буюу пиксел. Зургийн пикселийн хэмжээ нь өндөр өргөн ижил квадрат хэмжээтэй байх ёстой.
Зургийн өнгөний нягтрал:	24 битийн нягтралтай байх ёстой. 24 битийн хар цагаан болон 8 битийн нягтралтай зургийг хүлээн авахгүй.

- **Гэрэл зургийг скайнердаж дижитал зураг болгох.** Гэрэл зургийг скайнерахаас өмнө тухайн гэрэл зураг нь дээрх үзүүлэлтийг хангасан эсэхийг шалгах ёстой. Хэрэв зураг өнгөний нягтрал

болон бүтцийн үзүүлэлтийг хангаж байвал тухайн зургийг дараах үзүүлэлтийн дагуу скайнердана.

Скайнерийн нарийвчлал: Доод тал нь 300 цэг/инчийн нарийвчлалтай скайнердсан байх.

Зургийн файлын формат: Зураг нь Joint Photographic Experts Group (JPEG) форматтай байх ёстой.

Зургийн файлын хэмжээ: Зургийн файлын дээд хэмжээ хоёр зуун дөчин (240KB) килобайт байх ёстой.

Зургийн нарийвчлал: 600-1200 пиксел x 600-1200 пиксел.

Зургийн өнгөний нягтрал: 24 битийн өнгөний нягтралтай байх Хар цагаан буюу нэг өнгийн, саарал зургийг хүлээн авахгүй.

ТҮГЭЭМЭЛ АСУУЛТУУД

СУГАЛААНД ОРОЛЦОХ ЭРХ

1. "УУГУУЛ" БОЛОН "НЭРЭЭР НЬ ОРОЛЦОХ" ГЭДЭГ НЬ ИЮУ ГЭСЭН ҮГ ВЭ?

Уугуул гэдэг нь одоо оршин суугаа болон харьяалагдах улс орноос нь үл хамааран тодорхой нэг улс оронд төрсөн хүнийг хэлдэг. Цагаачлал ба харьяаллын тухай хуулийн 202(б) хэсэгт заасны дагуу цагаачлалын асуудлын хүрээнд уугуул гэдэгт төрсөн улс орноосоо өөр улс орны нэрээр оролцох эрхтэй хүнийг мөн хамруулж ойлгодог.

АНУ руу цагаачлах нийт хүмүүсийн тоо улс орон эсвэл газар зүйн бүс нутгаас хамааран ялгаатай байх тул хүн бүр аль нэг улс орны нэрээр оролцоно. Нэрээр нь оролцож буй улс орны тооны хязгаар танд хамааралтай. Ихэнх тохиолдолд та төрсөн улсынхаа нэрээр сугалаанд оролцоно. Гэсэн хэдий ч та эхнэр/нөхрийнхөө төрсөн улс, эсвэл эцэг/эхийнхээ төрсөн улсаас өөр улсад төрсөн мөн таныг төрөх үед эцэг эх тань хоёулаа тухайн улс орны оршин суугч биш байсан тохиолдолд эцэг/эхийнхээ төрсөн улс орны нэрээр хөтөлбөрт оролцохоор мэдүүлж болно. Хөтөлбөрт оролцох улс орныг дээрх гурван аргаар л тодорхойлно.

Өөрт хамааралгүй улс орны нэрээр хөтөлбөрт оролцсон оролцогчдыг сугалаанаас хасна.

2. БИ ХӨТӨЛБӨРТ ОРОЛЦОХ ЭРХГҮЙ УЛС ОРОНД ТӨРСӨН ХЭДИЙ Ч ОРОЛЦОЖ БОЛОХ НӨХЦӨЛ БИЙ ИЮУ?

Энэ тохиолдолд хөтөлбөрт оролцож болох хоёр арга бий. Нэгдүгээрт, хэрэв таны эхнэр/нөхөр хөтөлбөрт оролцох эрхтэй улс оронд төрсөн бол та тухайн улсын нэрээр оролцох эрхтэй болно. Гэхдээ энэ тохиолдолд таны эхнэр/нөхөр мөн шаардлагад тэнцэж, DV-2 виз авсан тохиолдолд л танд DV-1 виз олгох бөгөөд та хоёр DV визээрээ АНУ руу хамт зорчих ёстой. Үүнтэй нэгэн адилаар насанд хүрээгүй хүүхэд эцэг эхийнхээ төрсөн улс орны нэрээр виз авах боломжтой.

Хоёрдугаарт, та эцэг/эхийнхээ төрсөн улс орны нэрээр хөтөлбөрт оролцохоор мэдүүлж болно. Гэхдээ таныг төрөх үед эцэг эх тань хоёулаа хөтөлбөрт оролцох эрхгүй улс орны оршин суугч биш байсан байх ёстой. Ерөнхийдөө хүмүүс аль нэг улсад түр хугацаагаар зорчиж, түр хугацаагаар суралцаж, компани буюу засгийн газрын нэрийн өмнөөс ажил хэргийн буюу мэргэжлийн шалтгаанаар байрлаж байсан тохиолдолд тэнд төрөөгүй буюу хууль ёсоор иргэншил аваагүй бол тухайн улсын оршин суугч гэж тооцогддоггүй.

Хэрэв та төрсөн улс орноосоо өөр улс орны нэрээр хөтөлбөрт оролцож байгаа бол энэ тухай мэдээллээ E-DV электрон бүртгэлийн маягтын 6 дугаар асуултыг бөглөхдөө бичнэ үү.

Таныг хөтөлбөрт оролцох эрхтэй болгож буй улс орон болон нэрээр нь оролцож буй улс орноо буруу бичвэл (өөрөөр хэлбэл нэрээр нь оролцох боломжгүй улс бичвэл) таны бүртгэл хасагдах болно.

3. ЯАГААД ЗАРИМ УЛС ОРНЫ УУГУУЛ ИРГЭД ОЛОН ҮНДЭСТНИЙ ВИЗИЙН ХӨТӨЛБӨРТ ОРОЛЦОХ БОЛОМЖГҮЙ БАЙДАГ ВЭ?

Олон үндэстний виз нь АНУ-д цагаачилсан иргэдийн тоогоороо бага улсын иргэдэд цагаачлах боломж олгох зорилготой. Хуулинд зааснаар АНУ –д цагаачилсан иргэдийн тоогоороо их улс гэдэгт өнгөрсөн таван жилийн хугацаанд Гэр бүлийн болон Хөдөлмөр эрхлэлтийн визээр нийт 50,000 иргэн нь АНУ-д цагаачилсан улс орнуудыг хэлдэг. АНУ-ын Иргэншил, цагаачлалын алба жил бүрийн олон үндэстний визийн сугалаанд оролцох эрхгүй улс орнуудыг тодорхойлохын тулд өнгөрсөн таван жилийн хугацаанд гэр бүлийн болон хөдөлмөр эрхлэлтийн визээр цагаачлагчдын тоог нэмж нийлбэрийг гаргадаг. Жил бүрийн E-DV бүртгэлийн хугацаа эхлэхээс өмнө дээрх нийлбэрийг гаргадаг тул угуул иргэд нь оролцох эрхгүй улс орнуудын жагсаалт өмнөх жилээсээ өөрчлөгдөх магадлалтай байдаг.

4. DV-2019 ХӨТӨЛБӨРТ ОРОЛЦОХ ЭРХТЭЙ БҮС НУТАГ БОЛОН УЛС ОРОН БУРИЙН УУГУУЛ ИРГЭДЭД ХУВААРИЛАГДАХ DV ВИЗНИЙ ТОО ХЭД ВЭ?

АНУ-ын Иргэншил, цагаачлалын алба (USCIS) нь жил бүр Цагаачлал, харьяллын тухай хуулийн 203 (с) хэсэгт заасан томъёоллоор бүс нутгуудад хуваарилах DV визний тоон хязгаарыг боддог. Улс орон бүрт хувиарлагдах визний тоо нь бүс нутагт тогтоосон хязгаар, улс орон бүрийн сугалаанд оролцогчдын тоо болон оролцсон хүмүүсийн хэд нь хожигч болохоос хамаарна. Улс орон бүрийн угуул иргэдэд нийт олгогдох визний 7-гоос ихгүй хувь хуваарилагдана.

5. БОЛОВСРОЛ, АЖЛЫН ТУРШЛАГЫН ШАЛГУУР НЬ ЮУ ВЭ?

АНУ-ын Цагаачлалын хуульд зааснаар DV сугалаанд оролцогч бүр дор хаяж ахлах сургуулийн боловсрол буюу түүнтэй адилтгах боловсролтой эсвэл сүүлийн таван жилийн хугацаанд дор хаяж хоёр жилийн сургалт, туршлага шаардах мэргэжлээр хоёр жил ажилласан туршлагатай байх ёстой. "Ахлах сургуулийн боловсрол буюу түүнтэй адилтгах боловсрол" гэдэг нь Америкийн Нэгдсэн Улсын бага болон дунд боловсролын 12 жилийн сургалтыг амжилттай дүүргэсэнтэй дүйцэх эсвэл өөр улс оронд АНУ-ын ахлах сургуулийн боловсролтой дүйцэхүйц албан ёсны бага болон дунд боловсролын сургалтыг амжилттай дүүргэсэн байхыг хэлнэ. Энэ шаардлагыг зөвхөн албан ёсны сургалт л хангах бөгөөд дүйцүүлэх буюу шилжүүлэн тооцсон сургалт эсвэл сертификатыг /G.E.D гэх мэт/ хүлээн зөвшөөрөхгүй. Боловсрол, ажлын туршлагыг нотлох баримт бичгийг визний ярилцлагын үеэр консулын ажилтанд өгөх ёстой.

Визний ярилцлаган дээр таны боловсрол эсвэл ажлын туршлага шаардлаганд нийцэх эсэхийг шалгаж хэрэв шаардлага хангахгүй бол та болон таны гэр бүлийн гишүүдэд виз олгогдохгүй.

6. DV ХӨТӨЛБӨРТ ЯМАР МЭРГЭЖЛҮҮД ТЭНЦЭХ ВЭ?

Ажлын туршлага дээр суурилсан болзлыг хангах шалгуурыг тодорхойлоход АНУ-ын Хөдөлмөрийн яамны O*Net OnLine мэдээллийн санг ашигладаг. O*Net OnLine мэдээллийн сан ажлын туршлагыг таван "мэргэжлийн бүсэд" ангилсан. Хөдөлмөрийн яамны цахим хуудсанд олон мэргэжлийг жагсаасан байдаг ч Олон үндэстний визийн хөтөлбөрт зөвхөн тодорхой мэргэжлүүд тэнцэнэ. Ажлын туршлагаараа Олон үндэстний визийн шалгуурт тэнцэхийн тулд та өнгөрсөн таван жилийн хугацаанд Мэргэжлийн тусгай бэлтгэлийн (SVP) 7.0 буюу түүнээс дээш зэрэглэлтэй 4, 5 дугаар мэргэжлийн бүсэд багтсан мэргэжлээр хоёр жил ажилласан туршлагатай байх ёстой.

Визний ярилцлаган дээр таны боловсрол эсвэл ажлын туршлага шаардлаганд нийцэх эсэхийг шалгаж хэрэв шаардлага хангахгүй бол та болон таны гэр бүлийн гишүүдэд виз олгогдохгүй.

7. БИ ХЭРХЭН ХӨДӨЛМӨРИЙН ЯАМНЫ ЦАХИМ ХУУДСААС ШАЛГУУРТ ТЭНЦЭХ МЭРГЭЖЛҮҮДИЙГ ОЛОХ ВЭ?

Таны мэргэжил шалгуурт тэнцэх эсэхийг мэдэхийн тулд **O*Net OnLine** мэдээллийн санд орж дараах зааврыг харна уу:

1. "Find Occupations" (Мэргэжил ол) гэснийг сонгоод дараа нь "Job Family" гэснийг сонго;
2. "Job Family" дотроос өөрийн мэргэжлийн холбоосыг сонгож "GO" товчийг дарна;
3. Нэг мэргэжлийг сонгоно;
4. "Job Zone" (Мэргэжлийн бүс) гэснийг дарж Мэргэжлийн бүсийн дугаар, Мэргэжлийн тусгай бэлтгэл (SVP)-ийн зэрэглэлээ олж мэднэ.

Жишээлбэл: "Aerospace Engineers" (Сансрын хөлгийн инженер) гэснийг сонгоё. Мэргэжлийн бүс хэсгийн сансрын хөлгийн инженер гэсэн мэргэжлийн дор Мэргэжлийн бүс 4, Мэргэжлийн тусгай бэлтгэл 7.0<8.0 гэсэн тайлбар харагдана. Тайлбарын дагуу сансрын хөлгийн инженер нь шалгуурт тэнцэж байна.

Нэмэлт мэдээллийг [Diversity Visa – List of Occupations webpage](#) хуудаснаас харна уу.

8. Е-DV ХӨТӨЛБӨРТ ОРОЛЦОХ НАСНЫ ДООД ХЯЗГААР БАЙДАГ УУ?

Тус хөтөлбөрт оролцох насын доод хязгаарыг заагаагүй боловч гол бүртгүүлэгч бүртгүүлэх үедээ ахлах сургуулийн боловсролтой буюу ажлын туршлагатай байхыг шаарддаг тул 18-аас доош насын ихэнх хүмүүс энэ шалгуурт тэнцэхгүй.

DV ХӨТӨЛБӨРИЙН ЭЛЕКТРОН БҮРТГЭЛ

9. БИ ХЭЗЭЭ ХӨТӨЛБӨРТ БҮРТГҮҮЛЖ БОЛОХ ВЭ?

DV-2019 хөтөлбөрт оролцох бүртгэл 2017 оны 10 сарын 3-ны Мягмар гаригийн АНУ-ын Зүүн эргийн өдрийн цагийн бүсийн (EDT) (GMT-4) үдийн 12.00 цагаас 2017 оны 11 сарын 7-ны Мягмар гаригийн АНУ-ын Зүүн эргийн стандарт цагийн бүсийн (EST) (GMT-5) үдийн 12.00 цагийн хооронд үргэлжилнэ. Жил бүр бүртгэлийн хугацаанд олон сая хүн хөтөлбөрт оролцдог. Бүртгэлийн хугацааг ингэж заагласнаар хожсон хүмүүс зохих хугацаанд нь мэдээлэлээ олж авах, түүнчлэн виз мэдүүлэгчид болон элчин сайдын яам, консулын газруудын аль алинд нь виз мэдүүлэхэд бэлтгэх, хянан шийдвэрлэхэд хугацаа олгож байгаа юм.

Танд бүртгэлийн хугацааны дотор аль болох эрт бүртгүүлэхийг зөвлөж байна. Бүртгэлийн хугацааны сүүлээр ачаалал ихэсдэгээс шалтгаалж системийн хурд удааширч болно. 2017 оны 11 сарын 7-ны Мягмар гаригийн АНУ-ын Зүүн эргийн стандарт цагийн бүсийн (EST) үдийн 12.00 цагаас хойш ямар ч бүртгэл хүлээн авахгүй.

10. БИ ОДОО АНУ-Д БАЙГАА, ХӨТӨЛБӨРТ ОРОЛЦОЖ БОЛОХ УУ?

Тийм, бүртгүүлэгч нь АНУ буюу өөр улсад байж болно. Мөн АНУ-аас буюу гадаадаас бүртгүүлж болно.

11. БҮРТГЭЛИЙН ХУГАЦААНД БИ НЭГ Л УДАА ОРОЛЦОХ ЭРХТЭЙ ИЮУ?

Тийм, бүртгэлийн хугацааны турш хүн бүр нэг л удаа бүртгүүлэхийг хуулиар зөвшөөрсөн. Төрийн департамент бүртгэлийн хугацааны турш олон бүртгэл оруулсан хүмүүсийг илрүүлэх боловсронгуй технологи ашигладаг. **Хэрэв та нэгээс олон удаа бүртгүүлвэл хөтөлбөрөөс хасагдана.**

12. БИ ЭХНЭР/НӨХӨРТӨЙГӨӨ ТУСДАА ОРОЛЦОЖ БОЛОХ УУ?

Тийм, эхнэр нөхөр хоёр хоёулаа шалгуурт тэнцэж байвал тус тусдаа бүртгүүлж оролцож болно. Аль нэг нь сонгогдсон тохиолдолд нөгөөх нь дагаж явах эрхтэй.

13. Е-DV БҮРТГЭЛД БИ ГЭР БУЛИЙНХЭЭ ЯМАР ГИШҮҮДИЙГ ОРУУЛАХ ЁСТОЙ ВЭ?

Эхнэр/нөхөр: Та өөрийн эхнэр/нөхөртөйгөө хууль ёсны дагуу гэрлэсэн бол одоогоор тантай хамт амьдардаг амьдардаггүй, тантай хамт цагаачлах цагаачлахгүй гэдгээс үл хамааран эхнэр/нөхрөө заавал бүртгэлд оруулах ёстой. Та эхнэр/нөхрөөсөө албан ёсны бичгэн шүүхийн шийдвэрийн дагуу тусдаа амьдардаг тохиолдлоос бусад үед эхнэр/нөхрөө заавал оруулах ёстой. Хуулын дагуу тусдаа амьдардаг тохиолдол нь гэрлэсэн хэвээрээ хэдий ч шүүхийн шийдвэрийн дагуу тусдаа амьдрахыг хэлнэ. Хэрэв та эхнэр/нөхрөөсөө хуулын дагуу тусдаа амьдардаг бол таны эхнэр/нөхөр таныг дагаж DV хөтөлбөрт хамрагдан цагаачлах боломжгүй. Та хуулын дагуу тусдаа амьдардаг эхнэр/нөхрийнхөө нэрийг бүртгэлийн хуудсан дээрээ оруулсан тохиолдолд ямар нэгэн асуудал үүсэхгүй. Харин та DV хөтөлбөр эхлэхээс өмнө гэрлэлтээ цуцлахаар төлөвлөсөн хэдий ч тусдаа амьдардаг гэсэн шүүхийн шийдвэр байхгүй бол эхнэр/нөхрөө заавал оруулах ёстой. Хуулийн дагуу гэрлэсэн эхнэр/нөхрөө бүртгэлийн хуудсан дээрээ оруулаагүй тохиолдолд хөтөлбөрөөс хасагдах болно. Та гэр бүлээ цуцлуулсан эсвэл таны эхнэр/нөхөр нас барсан бол хуучин эхнэр/нөхрөө бичих шаардлагагүй.

Хэрэв таны эхнэр/нөхөр АНУ-ын иргэн эсвэл Хууль ёсны байнгын оршин суугч бол бүртгэлийн хуудсан дээр оруулж болохгүй. Учир нь АНУ-ын иргэн эсвэл Хууль ёсны байнгын оршин суугч бол виз авах шаардлагагүй юм. Энэ тохиолдолд та бүртгэлийн хуудсан дээрээ “гэрлэсэн бөгөөд миний эхнэр/нөхөр АНУ-ын иргэн эсвэл хууль ёсны байнгын оршин суугч” сонголтыг сонгоход систем таниас таны эхнэр/нөхрийн талаар нэмэлт мэдээлэл шаардахгүй болно.

Хүүхэд: Та гэрлээгүй бөгөөд сугалаанд бүртгүүлэх үед тань 21 нас хүрээгүй байх бүх төрсөн хүүхдүүд, эхнэр/нөхрийнхөө хүүхдүүд (тухайн хүүхдийн эцэг/эхээс салсан байсан ч), зохих хуулийн дагуу албан ёсоор үрчилж авсан хүүхдүүдээ АНУ-ын иргэн болон хууль ёсны байнгын оршин суугч биш л бол DV хөтөлбөрт анх оролцох үедээ багтаах ёстой. Таны хүүхдүүд тантай хамт амьдрахaa больсон, таныг дагаж цагаачлахгүй байсан ч бүртгэлд оруулах хэрэгтэй. Хэрэв таны хүүхэд АНУ-ын иргэн эсвэл Хууль ёсны байнгын оршин суугч бол та бүртгэлийн хуудсан дээр оруулах шаардлагагүй бөгөөд оруулсан тохиолдолд асуудал үүсэхгүй.

Сугалаанд бүртгүүлж байгаа хүний эцэг эх болон төрсөн ах эгч дүү нар бүртгүүлж байгаа хүнийг дагалдан DV виз авах боломжгүй бөгөөд тэднийг бүртгэлд оруулах шаардлагагүй.

Та гэр бүлийнхээ гишүүдийг бүртгэлд оруулсан нь тэд тантай заавал хамт явах ёстой гэсэн үг биш. Тэд үлдэхээр шийдэж болно. Гэхдээ та анх сугалаанд бүртгүүлэхдээ оруулаагүй гишүүнээ визний өргөдлийн маягт дээр оруулсан байвал таны болон танай гэр бүлийн гишүүдийн визийг визний ярилцлаган дээр татгалзаж хэнд ч виз олгох боломжгүй болно. Энэ нь анх бүртгүүлэх үед гэр бүлийн гишүүн гэж бүртгэгдсэн хүмүүст л хамаатай бөгөөд сүүлд нэмэгдсэн гэр бүлийн гишүүддэд хамаагүй. Таны эхнэр/нөхөр таны бүртгэлд орсон ч гэсэн тусдаа бүртгүүлж болно. Гол нь хоёр бүртгэлдээ хоёуланд нь бүртгүүлэх ёстой гэр бүлийнхээ бүх гишүүдийн тухай мэдээллийг оруулах ёстой. (Энэ талаарх нэмэлт мэдээллийг Түгээмэл асуулт №12-оос үзнэ үү).

14. БИ ЗААВАЛ ӨӨРӨӨ БҮРТГҮҮЛЭХ ЁСТОЙ ЮУ ЭСВЭЛ ХЭН НЭГ ХҮН МИНИЙ ӨМНӨӨС БҮРТГҮҮЛЖ БОЛОХ УУ?

Танд бүртгэлээ өөрөө хийхийг зөвлөж байна. Гэхдээ өөр хүнээр бүртгүүлүүлж болно. Өөрөө шууд бүртгүүлсэн ч бай, өмгөөлөгч, таньдаг хүн, төрөл садныхаа хүнээс тусlamж авсан ч бай хүн бүрийн нэр дээр нэг л бүртгэл оруулах ёстой бөгөөд бүртгэл дээрх мэдээллийн үнэн зөв, бүрэн эсэхийг бүртгүүлэгч өөрөө хариуцна гэдгийг санаж байх ёстой. Оролцогчид өөрсдийн бүртгэлийн баталгаажсан дугаарыг хадгалах ёстой бөгөөд энэ дугаарын тусlamжтайгаар www.dvlottery.state.gov руу орж ENTRANT STATUS CHECK-ээр бүртгэлийнхээ явцыг өөрөө шалгана. Оролцогчид E-DV бүртгэлийн маягтанд бүртгүүлсэн имэйлээ шалгах мэдээллийг өөрт хадгалах хэрэгтэй.

15. БИ ӨӨР ТӨРЛИЙН ЦАГААЧЛАЛЫН ВИЗЭНД БҮРТГҮҮЛСЭН БАЙГАА ХЭДИЙ Ч DV ХӨТӨЛБӨРТ ОРОЛЦОЖ БОЛОХ УУ?

Тийм.

16. ОНЛАЙН E-DV БҮРТГЭЛ ХЭЗЭЭ ЭХЛЭХ ВЭ?

2017 оны 10 дугаар сарын 3-ны Мягмар гаригийн АНУ-ын Зүүн эргийн өдрийн цагийн бүсийн (EDT) (GMT-4) үдийн 12.00 цагаас 2017 оны 11 дүгээр сарын 7-ны Мягмар гаригийн АНУ-ын Зүүн эргийн стандарт цагийн бүсийн (EST) (GMT-5) үдийн 12.00 цаг хүртэл интернетээр бүртгүүлэх боломжтой.

17. E-DV БҮРТГЭЛИЙН МАЯГТЫГ MICROSOFT WORD ПРОГРАМ (БУЮУ БУСАД ТОХИРОМЖТОЙ ПРОГРАМ РУУ) ТАТАН АВЧ ХАДГАЛААД ДАРАА НЬ БӨГЛӨЖ БОЛОХ УУ?

Үгүй, та энэ маягтыг сүүлд бөглөж өгөхөөр өөр програмд хадгалах боломжгүй. E-DV бүртгэлийн маягт нь зөвхөн онлайн бөглөдөг маягт юм. Тиймээс та тус маягтыг бөглөхдөө онлайнаар мэдээллээ оруулж, илгээх шаардлагатай.

18. БҮРТГЭЛИЙН МАЯГТЫН НЭГ ХЭСГИЙГ НЬ БӨГЛӨӨД ИНТЕРНЕТЭД ХАДГАЛЖ ДАРАА НЬ ЭРГЭЖ ОРООД ГҮЙЦЭЭН БӨГЛӨЖ БОЛОХ УУ?

Үгүй. E-DV бүртгэлийн маягтыг нэгмөсөн бөглөж оруулахаар зохиосон. Та маягтыг татаж авахаас эхлээд бүртгэлийг интернетээр оруулж E-DV цахим хуудас дээр хүлээн авах хүртэлх нийт хугацаа жаран (60) минут байхаар E-DV системийг бүтээсэн. Жараас илүү минут өнгөрч мөн бүртгэл электрон хэлбэрээр орж амжаагүй бол оруулсан бүх мэдээлэл хүчингүй болно. Ингэснээр бүтэн оруулсан бүртгэл нь өмнө хагас дутуу оруулсан бүртгэлийн хуулбар байна гэж ойлгогдох эрсдлээс сэргийлж байгаа юм. Маягт бөглөж эхлэхээсээ өмнө хэрэгтэй бүх мэдээллээ бэлдэж, бүрэн бэлтгэлтэй байхын тулд DV бүртгэлийн зааварчилгааг уншиж танилцана уу.

19. ХЭРЭВ НАДАД СКАЙНЕР БАЙХГҮЙ БОЛ БИ ЗУРГАА АНУ-Д БАЙДАГ ХАМААТАН РУУГАА ЯВУУЛААД СКАЙНЕРДУУЛЖ, ДИСКЭНД БУУЛГУУЛААД ТЭР ДИСКИЙГ ШУУДАНГААР АВААД БҮРТГҮҮЛЖ БОЛОХ УУ?

Тийм, гэрэл зураг тань энэхүү зааварчилгаан дээр байгаа гэрэл зурагт тавих шаардлагыг хангаж байгаа бөгөөд E-DV онлайн бүртгүүлэхдээ тэр зургаа электрон хэлбэрээр оруулж чадвал болно. Интернетээр бүртгүүлэхээсээ өмнө бэлэн скайнердсан гэрэл зургийн файлтай байх ёстой. Гэрэл зургаа онлайн бүртгэлээсээ тусад нь оруулж болохгүй. Та сугалаанд АНУ эсвэл бусад гадаад улсаас бүрэн электрон хэлбэрээр (гэрэл зураг, бүртгэлийг хамтад нь) бүртгүүлж болно.

20. ХЭРЭВ ОРУУЛСАН ДИЖИТАЛ ЗУРГУУД ҮЗҮҮЛЭЛТИЙГ ХАНГАХГҮЙ БОЛ СИСТЕМ E-DV БҮРТГЭЛИЙН МАЯГТЫГ АВТОМАТААР ТАТГАЛЗАЖ, ИЛГЭЭГЧИД МЭДЭГДЭНЭ ГЭЖ БАЙНА. ТЭГЭХЭЭР БИ БҮРТГЭЛЭЭ ДАХИЖ ОРУУЛЖ БОЛНО ГЭСЭН ҮГ YY?

Таны бүртгэл 2017 оны 11 дүгээр сарын 7-ны Мягмар гаригийн АНУ-ын Зүүн эргийн стандарт цагийн бүсийн (EST) (GMT-5) үдийн 12.00 цагаас өмнө амжилттай орсон л бол болно. Таны оруулсан дижитал зураг (зургууд) үзүүлэлт хангахгүй тохиолдолд E-DV цахим хуудас бүртгэлийг автоматаар татгалзах тул танд бүртгэлийг хүлээн авсан тухай баталгааны мэдэгдэл ирэхгүй. Гэхдээ зураг авахаас татгалзсан тухай мэдээ ирэх хүртэл зарцуулагдах хугацаа тухайн интернетийн хурдаас хамаарах тул урьдчилан хэлэх аргагүй юм. Хэрвээ бүртгүүлэгч зургийн асуудлыг шийдвэрлээд маягтын нэг, хоёрдугаар хэсгээ жаран (60) минутын дотор дахин илгээж амжвал ямар ч асуудалгүй. Ингэж амжаагүй тохиолдолд бүртгүүлэх явцыг дахиад эхлэхээс өөр аргагүй болно. Систем гүйцэд бөглөсөн бүртгэл хүлээн авч, баталгаажсан мэдэгдэл илгээх хүртэл хэдэн ч удаа бүртгүүлэхийг оролдож болно. Баталгаажсан мэдэгдлийг хүлээн авсны дараа дахин нэмэлт бүртгэл хийх ёсгүй.

21. БҮРТГЭЛИЙГ ИЛГЭЭСНИЙ ДАРАА ОНЛАЙН СИСТЕМ ХҮЛЭЭН АВСНЫГ НОТЛОХ ЭЛЕКТРОН МЭДЭГДЛИЙГ ХЭР ХУРДАН ХҮЛЭЭЖ АВАХ ВЭ?

E-DV цахим хуудас электрон мэдэгдлийг хадгалж авах шаардлагатай баталгаажсан дугаарын хамт тэр даруй явуулдаг. Гэхдээ энэ нь бүртгүүлэгчид хэр удаж хүрэхийг тухайн интернетийн хурд, имэйлийн системээс шалтгаалан урьдчилан таамаглах аргагүй. Та ‘Submit’ (Оруул) товчийг онлайн систем таны бүртгэлийг хүлээн авч танд электрон мэдэгдэл ирэх хүртэл хэдэн ч удаа дарж болно. Харин бүртгэлийг баталгаажуулсан хуудсыг хүлээн авсны дараа ‘Submit’ (Оруул) товчийг дахин дарж болохгүй.

22. БИ ‘SUBMIT’ (ОРУУЛ) ТОВЧИЙГ ДАРСАН ХЭДИЙ Ч БАТАЛГААЖСАН ДУГААР ХҮЛЭЭН АВААГҮЙ ТОХИОЛДОЛД ДАХИН БҮРТГЭЛ ИЛГЭЭВЭЛ МИНИЙ БҮРТГЭЛ ХҮЧИНГҮЙ БОЛОХ УУ?

Баталгаажсан дугаар хүлээж аваагүй тохиолдолд таны бүртгэл бүртгэгдээгүй гэсэн үг юм. Тиймээс дахин бүртгэл илгээх хэрэгтэй бөгөөд энэ нь давхардсан ижил бүртгэлд тооцогдохгүй. Харин бүртгэлийн баталгаажуулсан хуудсыг хүлээн авсны дараа дахин бүртгэл илгээж болохгүй.

ХОЖИГЧ СОНГОХ ЯВЦ

23. БИ DV СУГАЛААНД СОНГОГДСОН ЭСЭХЭЭ ХЭРХЭН МЭДЭЖ БОЛОХ ВЭ?

Та онлайнаар сугалаанд бүртгүүлэхэд гарч ирсэн бүртгэлийн дугаараа ашиглан 2018 оны 5 сарын 1-нээс 2019 оны 9 сарын 30 хүртэл E-DV-гийн www.dvlottery.state.gov вэб хуудсаар орж Entrant Status Check-ээр статусаа шалгах хэрэгтэй. Entrant Status Check нь таны сугалаанд шалгарсныг мэдээлэх цорын ганц арга бөгөөд визний өргөдлөө хэрхэн үргэлжлүүлэх, визэнд орох өдөр, цаг зэргийг танд мэдээлнэ. Төрийн департамент бүх боломжит визний тоог ашиглахын тулд Entrant Status Check-ээр дамжуулан 2018 оны 5 сарын 1-нээс хойш нэмэлтээр сонгогдсон оролцогчдод мэдэгдэх боломжтой. Тиймээс та бүртгэлийн дугаараа 2019 оны 9 сарын 30 хүртэл хадгална уу. E-DV-гийн www.dvlottery.state.gov вэб хуудас бол DV сугалаанд оролцох болон шалгарснаа мэдэх Төрийн департаментын цорын ганц албан ёсны хуудас юм.

Төрийн департамент таныг сугалаанд хожсон талаар ХЭЗЭЭ Ч тантай холбоо барьж мэдээлэхгүй. (Энэ талаарх нэмэлт мэдээллийг Түгээмэл асуулт №24-өөс үзнэ үү).

24. БИ СУГАЛААНД СОНГОГДООГҮЙ ГЭДГЭЭ ЯЖ МЭДЭХ ВЭ? НАДАД МЭДЭГДЭХ ҮҮ?

Та сонгогдсон тохиолдолд төрийн департаментаас таньд шууд МЭДЭГДЭХГҮЙ. Зөвхөн Entrant Status Check ашиглах хэрэгтэй. Та 2018 оны 5 сарын 1-нээс 2019 оны 9 сарын 30 хүртэл E-DV-гийн www.dvlottery.state.gov вэб хуудсаар орж Entrant Status Check-ээс шалгарсан эсэхээ мэдэх боломжтой. Та баталгаажсан бүртгэлийн дугаараа дор хаяж 2019 оны 9 сарын 30 хүртэл хадгалах хэрэгтэй. (Өмнөх жилийн DV-2018 сугалааны статусыг 2017 оны 5 сарын 2-ноос 2018 оны 9 сарын 30 хүртэл шалгах боломжтой).

25. БИ БҮРТГЭЛИЙН БАТАЛГААЖСАН ДУГААРАА ГЭЭСЭН ТОХИОЛДОЛД ЯАХ ВЭ?

Та Entrant Status Check-рүү орохын тулд таны баталгаажсан дугаар хэрэг болно. E-DV цахим хуудасны Entrant Status Check дотор баталгаажсан дугаараа сэргээж авах шинэ систем бий болсон. Үний тулд та өөрийгөө батлах хувийн мэдээллийг оруулсанаар сугалаанд бүртгүүлэхэд оруулсан имэйл хаягруу тань таны баталгаажсан дугаар илгээгдэх болно.

Та зөвхөн Entrant Status Check-н баталгаажсан дугаар сэргээх систем ашиглан өөрийн дугаараа авах боломжтой бөгөөд АНУ-ын ЭСЯам, Консулын газрууд болон Кэнтаки дахь Консулын Төв DV

сугалааны статус шалгах системд орж таны баталгаажсан дугаарыг гаргаж өгөх боломжгүй юм. Мөн Төрийн департамент сугалаанд хожсон визэнд орох хүмүүсийн жагсаалтыг гаргаж өгөхгүй.

26. БИ ТӨРИЙН ДЕПАРТАМЕНТААС ИМЭЙЛ ЭСВЭЛ ШУУДАНГААР МЭДЭГДЭЛ ХҮЛЭЭЖ АВАХ УУ?

Төрийн департаментаас танд мэдэгдэл захиа явуулахгүй. АНУ-ын Засгийн газар шалгарсан хүмүүст хэзээ ч имэйл явуулж байгаагүй бөгөөд DV-2019 хөтөлбөрт ч имэйл ашиглах төлөвлөгөө байхгүй. Та шалгарсан тохиолдолд заавал эхэлж Entrant Status Check -ийн зааварт хариу өгч таны цаашдын процесс эхэлсний дараа л имэйл хүлээн авна. Энэ имэйл нь таныг Entrant Status Check рүү орж визэнд орох өдөр, цагаа мэдэхийг зөвлөх ба тухайн визний ярилцлага хийх өдөр цагийн талаарх мэдээллийг агуулахгүй. Төрийн департаментаас DV хөтөлбөрийн оролцогчдод Entrant Status Check-рүү орж өөрсдийн статусыг шалгах санамж имэйл илгээх боломжтой. Ийм төрлийн имэйл нь хөтөлбөрт оролцогчдын сонгогдсон эсэх талаархи мэдээллийг хэзээ ч агуулахгүй болно.

Та ".gov" төгсгөл бүхий хаягтай цахим хуудаснууд л АНУ-ын засгийн газрын албан ёсны интернэт цахим хуудас гэдгийг анхаарна уу. Засгийн газрын бус олон цахим хуудас (жишээлбэл, ".com", ".org", ".net" зэрэг төгсгөлтэй цахим хуудаснууд) цагаачлал болон визтэй холбоотой мэдээлэл өгч, үйлчилгээ үзүүлдэг. Агуулгаас нь үл хамааран Төрийн департамент эдгээр засгийн газрын бус цахим хуудаснуудын аливаа мэдээлэл, материалыг баталж, санал болгож, ивээн тэтгэдэггүй.

Зарим цахим хуудас өөрсдийгөө албан ёсны цахим хуудас гэж олон нийт, үйлчлүүлэгчдэд итгүүлж төөрөгдүүлэхийг хичээн таныг төлбөр төлөх эсвэл хувийн мэдээллээ явуулахыг шаардах магадлалтай. Эдгээр цахим хуудас Төрийн департаментын цахим хуудас юмуу АНУ-ын ЭСЯ/Консулын газрын цахим хуудаснаас үнэ төлбөргүй авч болох цагаачлалын талаарх мэдээлэл болон маягт зэргийг танд санал болгоходо төлбөр төлөхийг шаарддаг. Үүний зэрэгцээ эдгээр цахим хуудас нь таны мөнгийг шууд залилж авахын тулд DV визтэй холбогдох үйлчилгээний хөлсийг танаас нэхэж болно. Та эдгээр төрийн бус байгууллага эсвэл цахим хуудасруу мөнгөө явуулбал эргүүлж авах магадлал маш бага гэдгийг анхаарна уу. Хувийн мэдээллийг тань залилан/хулгайн гэмт хэрэгт ашиглаж болох тул эдгээр цахим хуудсанд хувийн мэдээллээ дамжуулахаас болгоомжлоорой.

Ийм төрлийн имэйл явуулж буй хүмүүс өөрсдийгөө Төрийн департамент эсвэл Кэнтаки дахь Консулын Төвтой хамтран ажилладаг хэмээн хуурамч мэдээлэл өгөх тохиолдол байдаг. АНУ-ын засгын газраас хөтөлбөрт оролцогчдод хэзээ ч сугалаанд сонгогдсон талаар имэйл явуулж байгаагүй бөгөөд DV-2019 хөтөлбөрт ийм төрлийн имэйл явуулах төлөвлөгөө байхгүй болохыг сануулж байна. Мөн түүнчлэн Төрийн департамент таниас хэзээ ч шуудан эсвэл бусад үйлчилгээ ашиглан мөнгө илгээхийг шаардахгүй .

27. DV-2019 ХӨТӨЛБӨРТ ХЭДЭН ХҮН СОНГОГДОХ ВЭ?

DV-2019 хөтөлбөрөөр нийт 50,000 DV виз өгөх боломжтой. Сонгогдсон эхний 50,000 хүнээс визний шалгуурт тэнцэхгүй хүмүүс болон визээ мэдүүлэхгүй орхих хүмүүс ч гарна. Гэхдээ энэ нь нөгөө талаар анх сонгогдсон бүх хүнд хүрэлцэхүйц тооны виз байна гэсэн уг биш.

Та E-DV цахим хуудасны ENTRANT STATUS CHECK-рүү орж өөрийн шалгарсан эсэх мөн жагсаалтад өөрийнхөө хаана байгаа дарааллыг харах боломжтой. DV-2019 хөтөлбөрийн визний ярилцлага 2018 оны 10 дугаар сард эхэнэ. Үүнд зааварчилгаа мэдэгдлийн дагуу баримт бичгээ бүрдүүлж өгсөн хүмүүс оролцно. Бүх шаардлагатай баримт бичгийг бүрдүүлж өгөн шалгарсан хүмүүст E-DV цахим хуудасны ENTRANT STATUS CHECK-ээс АНУ-ын консулын хэлтэст болох визний ярилцлага өгөх өдөр цагийг хуваарьт өдрөөс 4-6 долоо хоногийн өмнө мэдэгдэнэ.

Сар бүр визний байгаа дугаараас хамааран тухайн сард виз авахад бэлэн шалгарсан хүмүүст виз олгоно. Бүх 50,000 DV виз олгогдож дууссанаар тухайн жилийн хөтөлбөр дуусна. Энэ нь бүх виз олгогдсон тохиолдолд хөтөлбөр 2019 оны 9 сараас өмнө дуусах боломжтой гэсэн үг юм. Шалгарсан хүмүүс визээ авахыг хүсвэл хурдан шуурхай хөөцөлдөхөд бэлэн байх ёстой. **Компьютерээр хийдэг санамсаргүй сонголтонд шалгарснаар та автоматаар виз авах баталгаатай боллоо гэж бодож болохгүй.** Сугалаанд шалгарна гэдэг нь та DV виз хүсэх эрхтэй болсон бөгөөд танай бүсэд танд олгох боломжтой визний тоо байгаа тохиолдолд дараагийн шатруу шилжинэ гэсэн үг юм. Эдгээр оролцогчдоос зөвхөн 50,000-д нь виз олгогдох юм.

28. АМЖИЛТАЙ БҮРТГҮҮЛСЭН ОРОЛЦОГЧДЫГ ХЭРХЭН СОНГОХ ВЭ?

Албан ёсны мэдэгдэл 2018 оны 5 сарын 1-нээс эхлэн 2019 оны 9 сарын 30-ны хооронд E-DV-гийн www.dvlottery.state.gov вэб хуудасны Entrant Status Check дээр гарна. Төрийн департамент сугалаанд шалгарсан хүмүүст шалгарсныг нь имэйл эсвэл шуудангаар захидал илгээдэггүй. Хэрэв танд сугалаанд шалгарсан талаар имэйл эсвэл шуудангаар захидал ирвэл хууль бус гэдгийг анхаараарай. Та шалгарлаа гэхэд та өөрөө заавал эхэлж Entrant Status Check рүү орж шалгаад заасан зааварт хариу өгч таны цаашдын процесс эхэлсний дараа л Төрийн департаментаас танд Entrant Status Check рүү орж шинэ мэдээлэл шалгах талаар зөвлөсөн зааварчилгааг имэйлээр өгнө. Төрийн департамент хэзээ ч танд шуудангаар юм уу Western Union гэх мэт аргаар төлбөр гүйвуулах хүсэлт тавихгүй.

Газарзүйн бүс тус бүрээс ирсэн бүх бүртгэлийг нэгбүрчлэн дугаарлана. Бүртгэлийн хугацаа дууссаны дараа компьютер газарзүйн бүс бүрээс хүлээн авсан бүх бүртгэлээс санамсаргүй байдлаар сонголт хийнэ. Бүс бүрээсээ санамсаргүй байдлаар сонгогдсон эхний бүртгэл нэгт, хоёр дахь бүртгэл хоёрт гэх мэтчилэн бүртгэгдэнэ. Хугацаанд нь амжилттай илгээсэн бүх бүртгэл бүсийнхээ хүрээнд сонгогдох магадлал нь ижил байна. Компьютер аль нэг бүртгэлийг сугалж гаргасны дараа E-DV-ийн www.dvlottery.state.gov вэб хуудасны Entrant Status Check-ээс тухайн шалгарсан оролцогч 2018 оны 5 сарын 1-нээс эхлэн шалгарсан эсэхээ мэдэх болно. Шалгарсан хүмүүс АНУ-ын ЭСЯ/Консулын газарт визэнд орох заавар автал, мөн статусаа өөрчлөх боломжтой болсон хүмүүс АНУ дахь АНУ-ын Иргэншил ба Цагаачлалын Алба (USCIS)-нд гаргах хүртэл Kentucky Consular Center (KCC) асуудлыг хариуцах болно.

29. БИ ОДОО АНУ-Д БАЙГАА. ХЭРЭВ СОНГОГДВОЛ СТАТУСАА ӨӨРЧЛӨХӨӨР USCIS-Д ХАНДАЖ БОЛОХ УУ?

Тийм, тэд ЦХТХ-ийн 245 дугаар зүйлд заасан нөхцлийн дагуу статусаа өөрчлөх эрхтэй бол, АНУ-д байгаа сонгогдсон хүмүүс өөрсдийн статусаа байнгын оршин суугчийн статус болгон өөрчлөхийн

тулд USCIS- д хандаж болно. Та 2019 оны 9 дүгээр сарын 30-наас өмнө USCIS таны мэдүүлгийг шийдвэрлэж, АНУ-д таныг дагалдаж ирэх хүмүүсийн материалыг хянан шийдвэрлэсэн байх ёстойг анхаарна уу. Учир нь тэр өдөр таны DV-2019 хөтөлбөрт оролцох хугацаа дуусна. 2019 оны 9 дүгээр сарын 30-ны шөнө дундаас хойш ямар ч нөхцөлд DV-2019 хөтөлбөрийн виз олгохгүй.

30. ХЭРЭВ БИ СОНГОГДВОЛ, ХЭР УДААН ХУГАЦААНД DV КАТЕГОРИОР ВИЗ ХҮСЭХ ЭРХТЭЙ ВЭ?

Хэрэв та DV-2019 сугалаанд сонгогдвол зөвхөн АНУ-ын Засгийн газрын 2019 оны санхүүгийн жилийн турш буюу 2018 оны 10 дугаар сарын 1-нээс 2019 оны 9 дүгээр сарын 30 хүртэлх хугацаанд виз хүсэх эрхтэй. Сонгогдсон оролцогчдыг өөрсдийн харьялагдах бүсэд олгогдох боломжтой визний тоо гарсны дараа визээ аль болох эрт мэдүүлэхийг зөвлөж байна.

Өргөдөл гаргагчид санхүүгийн жилийн эцэс гэхэд DV визээ авах буюу статусаа өөрчилсөн байх ёстой. Сонгогдсон боловч 2019 оны санхүүгийн жилд багтан визээ авч чадаагүй хүмүүсийн DV виз хүсэх эрхийг дараа он руу шилжүүлдэггүй. Мөн DV-2019 сугалаанд хожигсдын эхнэр/нөхөр буюу хүүхдүүд 2018 оны 10 дугаар сарын 1-нээс 2018 оны 9 дүгээр сарын 30 хүртэлх хугацаанд л DV виз авах боломжтой. Гадаадаас бүртгэл хийсэн хүмүүст Төрийн департаментаас ярилцлага болох өдрөөс 4-6 долоо хоногийн өмнө ярилцлагын цагийг ENTRANT STATUS CHECK –ээр дамжуулж мэдэгдэнэ.

31. E-DV-Д СОНГОГДСОН ХҮН НАС БАРВАЛ DV ВИЗНИЙ АСУУДАЛ ЮУ БОЛОХ ВЭ?

Сугалаанд сонгогдсон хүн АНУ руу явахаас өмнө нас барсан эсвэл статусаа өөрчилсөн тохиолдолд тухайн DV бүртгэл автоматаар хүчингүй болно. Нас барсан хүний эхнэр/нөхөр, хүүхдүүд тухайн хожлоор DV виз авах эрхгүй болно. Олгогдсон бүх визийг хүчингүй болгоно.

ТӨЛБӨР

32. E-DV ХӨТӨЛБӨРТ ОРОЛЦОХОД ХЭДЭН ТӨГРӨГ ТӨЛӨХ ВЭ?

Одоогоор электрон сугалаанд бүртгүүлэхэд ямар ч хураамж төлөхгүй. Гэхдээ та сугалаанд сонгогдож DV визний мэдүүлэг өгөх үедээ шаардлагатай бүх визний хураамжийг тухайн АНУ-ын ЭСЯ/Консулын газрын кассанд шууд тушаах ёстой. АНУ-д оршин суугаа оролцогчид болон статусаа өөрчлүүлэхээр өргөдөл гаргасан хүмүүс төлбөрөө USCIS-д шууд төлнө. Сугалаанд шалгарсан хүмүүст E-DV www.dvlottery.state.gov вэб хуудасны Entrant Status Check-ээр DV визний талаарх өргөдлийн хураамжтай холбоотой мэдээлэл зааварчилгааг илгээдэг.

33. ХЭРЭВ БИ СОНГОГДВОЛ DV БОЛОН ЦАГААЧЛАЛЫН ВИЗНИЙ ТӨЛБӨРИЙГ ХААНА ЯАЖ ТӨЛӨХ ВЭ?

Та сугалаанд сонгогдсоны дараа www.dvlottery.state.gov вэб хуудасны Entrant Status Check-ээр дамжуулан DV визний өргөдөл мэдүүлэх зааварчилгааг авна. Та DV визний өргөдөл өгөх үедээ шаардлагатай бүх визний хураамжийг АНУ-ын ЭСЯ/Консулын газарт биечлэн тушаах ёстой.

Консулын касс төлбөр хүлээн авсныг нотлох баримтыг мөнгө төлсөн даруйд тань өгнө. Хэрэв та АНУ-ын ЭСЯ/Консулын газарт цагаачлалын виз мэдүүлж байгаа бол DV визний хураамжийн төлбөрийг шуудан, Western Union, эсвэл бусад хүргэлтийн үйлчилгээг ашиглан хэнд ч илгээх ёсгүй. Хэрэв та сонгогдсон бөгөөд АНУ-д оршин суудаг мөн USCIS-д өргөдөл гаргаж статусаа өөрчлүүлэх гэж байгаа бол www.dvlottery.state.gov вэб хуудасны Entrant Status Check дотор DV визний төлбөрийг АНУ-ын банк руу хэрхэн илгээх тусдаа зааварчилгаатай танилцана уу.

34. БИ СУГАЛААНД ШАЛГАРААД ВИЗЭЭ ХҮССЭН БОЛОВЧ ВИЗНИЙ ШАЛГУУР ХАНГААГҮЙ ҮНДЭСЛЭЛЭЭР ТАТГАЛЗСАН ХАРИУ АВБАЛ ВИЗНИЙ ТӨЛБӨРӨӨ ЭРГҮҮЛЭН АВЧ БОЛОХ УУ?

Үгүй. Визний төлбөр эргэн олгогдохгүй. DV виз мэдүүлэгчид виз авах бүх шалгуурыг хангах хэрэгтэй. Хэрэв тухайн виз мэдүүлэгч виз авах шалгуур хангаагүй эсвэл АНУ-ын Цагаачлалын хуулийн шалгуурт тэнцэхгүй гэж үзвэл виз олгохоос татгалзах ба визний төлбөрийг буцаан олгохгүй.

ШАЛГУУР ХАНГАХГҮЙ БАЙХ

35. DV ХҮСЭГЧИД ВИЗИЙН ШАЛГУУР ХАНГАХГҮЙ БАЙГАА ЯМАР НЭГ ҮНДЭСЛЭЛЭЭС ЧӨЛӨӨЛӨГДӨХ ҮҮ? ИЙНХҮҮ ЧӨЛӨӨЛӨГДӨХ ХҮСЭЛТ ГАРГАВАЛ ТУСГАЙЛАН АВЧ ҮЗЭХ ҮҮ?

Үгүй. Цагаачлал, харьяаллын тухай хуульд заасан цагаачлалын виз авах шалгуур хангахгүй байх бүх үндэслэл өргөдөл гаргагчдад хамаатай байх болно. Тус хуульд визийн шалгуур хангахгүй байгаа ямар нэгэн үндэслэлээс чөлөөлөх тусгай заалтууд байхгүй бөгөөд ийнхүү чөлөөлөгдөх хүсэлтийг тусгайлан авч үздэг журам байхгүй. АНУ-ын иргэн буюу Хууль ёсны байнгын оршин суугч гадаадын иргэний ойрын хамаатантай хүмүүст хамаатай хөнгөлөх заалт DV өргөдөл гаргагчид хамаатай байж болох боловч DV хөтөлбөрийн цаг хугацааны шахуу байдлаас хамаарч иймэрхүү заалт ач холбогдолоо өгөх нь бага байх магадлалтай.

DV ХӨТӨЛБӨРТӨЙ ХОЛБОГДОХ ХУУРАМЧ МЭДЭЭЛЭЛ БОЛОН ЛУЙВРЫН АЖИЛЛАГАА

36. ИНТЕРНЕТИЙН ЗАЛИЛАН БУЮУ ХҮСЭЭГҮЙ ИМЭЙЛИЙН ТАЛААР ХЭРХЭН МЭДЭЭЛЭХ ВЭ?

Холбооны худалдааны хорооны ажиллуулдаг, 17 улсын хэрэглэгчийн эрх ашгийг хамгаалах байгууллагуудын хамтарсан econsumer.gov цахим хуудас руу хандана уу. Холбооны мөрдөх товчооны (XMT) Интернетийн гэмт хэргийн талаар гомдол хүлээн авах төв буюу IC3-т [Internet Crime Complaint Center](http://www.ic3.gov) –т хандаж болно. Хүсээгүй имэйлийн талаар гомдол гаргахын тулд Хууль зүйн яамны цахим хуудасын “contact us” (бидэнд ханд) гэдгээр дамжуулан хандана уу.

DV СТАТИСТИК

37. DV-2019 ХӨТӨЛБӨРТ ХЭДЭН ВИЗ ОЛГОГДОХ ВЭ?

Хуульд заасны дагуу АНУ-ын олон үндэстний цагаачлалын хөтөлбөрөөр шаардлага хангасан хүмүүст жил бүр дээд тал нь 55,000 байнгын оршин суугчийн виз олгох ёстой. Гэхдээ 1997 оны 11 сард Конгрессоос баталсан Никарагуагийн асуудлыг зохицуулах, Төв Америкт туслах хуулинд (NACARA) DV-1999-ээс эхлэн шаардлагатай хугацааны турш олон үндэстний визийн хөтөлбөрт жил бүр хуваарилдаг 55,000 визээс 5,000-ыг нь NACARA хөтөлбөрт олгохоор заасан. Олон үндэстний визийн хөтөлбөрт хуваарилдаг визний тоог 5,000-аар бууруулсан энэхүү шийдвэрийг DV-2000-аас эхлэн хэрэгжүүлсэн бөгөөд DV-2019 хөтөлбөрийн хугацаанд хэвээр мөрдөгдөх хандлагатай байна.

БУСАД

38. ХЭРВЭЭ БИ DV ХӨТӨЛБӨРӨӨР ДАМЖУУЛАН ВИЗ АВБАЛ АНУ-ЫН ЗАСГИЙН ГАЗАР НАДАД ТЭНД БАЙР СУУРИА ОЛТОЛ ТЭНД ХҮРЭХ ОНГОЦНЫ БИЛЕТ, БАЙР СУУЦ, АЖЛЫН БАЙР ОЛЖ ӨГӨХ, ЭРҮҮЛ МЭНД БОЛОН МӨНГӨН ТУСЛАМЖ ҮЗҮҮЛЭХ ҮҮ?

Үгүй. Та DV хөтөлбөрийн дагуу виз авахад АНУ-ын засгийн газраас танд дээрх үйлчилгээний алиныг нь ч үзүүлэхгүй. Хэрвээ та DV хөтөлбөрт сонгогдож виз мэдүүлэх бол виз авахаасаа өмнө АНУ-д очоод АНУ-ын Засгийн Газраас ямар нэгэн тэтгэмж авахгүй гэдгээ батлан харуулах шаардлагатай. Үүнд таны хувийн эд хөрөнгө, АНУ-д оршин суудаг таны хамаатан эсвэл найз нөхдөөс таныг санхүүгийн хувьд дэмжинэ гэдгийг баталсан I-134 өргөдөл, эсвэл АНУ-д таныг ажилд авна гэсэн ажлын урилга зэрэг багтана.

ҮҮГҮҮЛ ИРГЭД НЬ DV-2019 ХӨТӨЛБӨРТ ОРОЛЦОХ ЭРХ БҮХИЙ УЛС ОРНЫ ЖАГСААЛТ (БҮС НУТГААР)

Доорх жагсаалтад угуул иргэд нь DV-2019 хөтөлбөрт оролцох эрхтэй улс орнуудыг тус хөтөлбөрт мөрддөг газарзүйн бүсээр хувааж жагсаалаа. Хараат нутаг дэвсгэрүүд өөрийн захирагддаг улс орнуудын бүс нутагт багтана. Угуул иргэд нь DV-2019 хөтөлбөрт оролцох эрхгүй улс орнуудыг АНУ-ын Иргэншил ба Цагаачлалын Алба (USCIS) Цагаачлал, харьяаллын тухай хуулийн 203(с) хэсэгт заасан томъёоллын дагуу тогтоодог. Энэхүү олон үндэстний хөтөлбөрт угуул иргэд нь оролцох эрхгүй улс орнуудыг (гэр бүлийн болон хөдөлмөр эрхлэлтийн цагаачлалын гол эх сурвалж болсон улс орнууд, өөрөөр хэлбэл "АНУ руу цагаач их гарсан" улс орнууд) тухайн бүс нутгийн улс орны жагсаалтын дараа жич тэмдэглэсэн.

АФРИК

Алжир	Ливи
Ангол	Мадагаскар
Бенин	Малави
Ботсвана	Мали
Буркино-Фасо	Мавритани
Бурунди	Маврик
Камерун	Марокко
Кабо-Верде	Мозамбик
Төв Африкийн Бүгд Найрамдах Улс	Намиби
Чад	Нигер
Коморын арлууд	Нигери
Конго	Руанда
Бүгд Найрамдах Ардчилсан Конго Улс	Сан Томе ба Принсиби
Кот д'Ивуар (Зааны ясан эрэг)	Сенегал
Джибути	Сейшелийн арлууд
Египет*	Сьерра-Леоне
Экваторын Гвиней	Сомали
Эритрей	Өмнөд Африк
Этиоп	Өмнөд Судан
Габон	Судан
Гамби	Свазиленд
Гана	Танзани
Гвиней	Того
Гвиней-Биссау	Тунис
Кени	Уганда
Лесото	Замби
Либери	Зимбабве

*1967 оны 6 дугаар сараас өмнө Израил, Иордан, Сир болон Египтийн захиргаанд байсан нутаг дэвсгэрт төрсөн хүмүүс Израил, Иордан, Сири болон Египт улсынхаа нэрээр хөтөлбөрт оролцно. Газын зурваст төрсөн иргэд Египетийн нэрээр, West Bank буюу Баруун эрэгт төрсөн хүмүүс Иорданы нэрээр, Golan Heights (Голан Хаятс) –д төрсөн хүмүүс Сирийн нэрээр хөтөлбөрт оролцох боломжтой.

Африкт Нигерийн угуул иргэд энэ жилийн олон үндэстний визний хөтөлбөрт **оролцох эрхгүй**.

АЗИ

Афганистан	Малайз
Бахрейн	Мальдив
Бутан	Монгол
Бруней	Балба
Бирм	Хойд Солонгос
Камбож	Оман
Хонгконгийн Тусгай захиргаатай бүс**	Катар
Индонез	Саудын Араб
Иран	Сингапур
Ирак	Шри-Ланк
Израил*	Сири*
Япон	Тайвань**
Иордан*	Тайланд
Кувейт	Тимор-Лэстэ
Лаос	Арабын Нэгдсэн Эмират
Ливан	Йемен

*1967 оны 6 дугаар сараас өмнө Израил, Иордан, Сир болон Египтийн захиргаанд байсан нутаг дэвсгэрт төрсөн хүмүүс Израил, Иордан, Сири болон Египт улсынхаа нэрээр хөтөлбөрт оролцно. Газын зурваст төрсөн иргэд Египетийн нэрээр, West Bank буюу Баруун эрэгт төрсөн хүмүүс Иорданы нэрээр, Golan Heights (Голан Хаятс) –д төрсөн хүмүүс Сирийн нэрээр хөтөлбөрт оролцох боломжтой.

** Хонг Конгийн Тусгай захиргааны бүс (Азийн бүс нутаг), Макаогийн Тусгай захиргаатай бүс (Европын бүс нутаг, Португалын нэрээр) болон Тайванийн (Азийн бүс нутаг) угуул иргэд өргөдөл гаргах эрхтэй бөгөөд дээрх жагсаалтанд багтсан. Зөвхөн олон үндэстний визний хөтөлбөрт хамруулах зорилгоор Макаогийн Тусгай захиргаатай бүсэд төрсөн хэрнээ Португалаас гаралтай хүмүүс Португалын нэрээр оролцох боломжтой.

Доор дурдсан Азийн бүсийн улс орнуудын угуул иргэд энэ жилийн олон үндэстний визний хөтөлбөрт оролцох **эрхгүй**: Бангладеш, Хятад (эх газрын), Энэтхэг, Пакистан, Өмнөд Солонгос, Филиппин болон Вьетнам.

ЕВРОП

Албани	Австри
Андорра	Азербайжан
Армен	Беларус

Бельги	Мальта
Босни Герцеговин	Молдов
Болгар	Монако
Хорват	Монтенегро
Кипр	Нидерланд (гадаад дахь эзэмшил болон хараат нутаг дэвсгэрүүдийг оруулна)
Бүгд Найрамдах Чех Улс	Умард Ирланд**
Дани (гадаад дахь эзэмшил болон хараат нутаг дэвсгэрүүдийг оруулна)	Норвеги (гадаад дахь эзэмшил болон хараат нутаг дэвсгэрүүдийг оруулна)
Эстони	Польш
Финланд	Португал (гадаад дахь эзэмшил болон хараат нутаг дэвсгэрүүдийг оруулна)
Франц (гадаад дахь эзэмшил болон хараат нутаг дэвсгэрүүдийг оруулна)	Румын
Гүрж	ОХУ
Герман	Сан Марино
Грек	Серби
Унгар	Словак
Исланд	Словен
Ирланд	Испани
Итали	Швед
Казахстан	Швейцар
Косова	Тажикстан
Киргизстан	Турк
Латви	Туркменистан
Лихтенштейн	Украин
Литва	Узбекстан
Люксембург	Ватикан хот улс
Макаогийн Тусгай захиргаатай бүс**	
Македони	

**Макаогийн Тусгай захиргаатай бүс оролцох эрхтэй бөгөөд дээрх жагсаалтанд багтсан бөгөөд зөвхөн олон үндэстний визний хөтөлбөрт хамруулах зорилгоор Макаогийн Тусгай захиргаатай бүсэд төрсөн хэрнээ Португалаас гаралтай хүмүүс Португалын нэрээр оролцох боломжтой.

***Зөвхөн олон үндэстний визний хөтөлбөрт хамруулах зорилгоор Умард Ирландыг тусад нь авч үздэг бөгөөд Умард Ирланд энэ хөтөлбөрт **оролцох эрхтэй** тул дээрх жагсаалтад орсон.

Доор дурдсан Европын улс орнуудын угуул иргэд энэ жилийн олон үндэстний хөтөлбөрт **оролцох эрхгүй**: Их Британи (Нэгдсэн Вант Улс). Их Британи (Нэгдсэн Вант Улс)-д дараах хараат нутаг дэвсгэр орно: Ангилья, Бермуд, Британийн Виржинийн арлууд, Британийн Энэтхэгийн далай дахь газар нутаг, Кейманы арлууд, Фолклендийн арлууд, Гибралтар, Монтсеррат, Питкэрн, Хойд Гүрж ба Хойд Сэндвичийн арлууд, Сэнт Элен, Төркс болон Кэйкос арлууд.

ХОЙД АМЕРИК

Багамын арлууд

Хойд Америкийн тухайд Канад болон Мексикийн угуул иргэд энэ жилийн олон үндэстний визний хөтөлбөрт оролцох эрхгүй.

НОМХОН ДАЛАЙН ОРНУУД

Австрали (гадаад дахь эзэмшил болон хараат нутаг дэвсгэрүүдийг оруулна)

Фижи

Кирибати

Маршаллын арлууд

Микронезийн Холбооны Улсууд

Науру

Шинэ Зеланд (гадаад дахь эзэмшил болон

хараат нутаг дэвсгэрүүдийг оруулна)

Палау

Папуа Шинэ Гвиней

Соломон арлууд

Тонга

Тувалу

Вануату

Самоа

ӨМНӨД АМЕРИК, ТӨВ АМЕРИК БОЛОН КАРИБЫН ТЭНГИСИЙН УЛС ОРНУУД

Антигуа Барбуда

Аргентин

Барбадос

Белиз

Боливи

Чили

Коста Рика

Куба

Доминик

Эквадор

Гренад

Гватемал

Гайана

Гондурас

Никарагуа

Панам

Парагвай

Сэнт Киттс ба Невис

Сэнт Люси

Сэнт Винсент ба Гренадиний арлууд

Суринам

Тринидад ба Тобаго

Уругвай

Венесуэл

Энэ бүсээс угуул иргэд нь энэ жилийн олон үндэстний визний хөтөлбөрт **оролцох эрхгүй** улс орнууд: Бразил, Колумби, Бүгд Найрамдах Доминикан Улс, Эль Сальвадор, Гаити, Ямайка, Мексик болон Перу.